



Organización

- Organigramas
- SS.SS. Estructura e funcións
- Proceso de intervención
- Recursos técnicos
- Ética profesional
- Protección de datos

Convenio Xunta - Fegamp para a implantación da HSUE nas EELL

Convenio de colaboración entre a Xunta de Galicia e a Fegamp para a implantación da historia social única electrónica (HSUE) nas entidades locais da comunidade autónoma de Galicia

Este convenio ten por obxecto o impulso da posta en funcionamento da Historia Social única Electrónica nas Entidades Locais da comunidade autónoma de Galicia. Este convenio establece ademais os mecanismos adecuados para asegurar a coordinación e intercambio de información entre as partes asinantes.

As EELL que asinen a súa adhesión a este convenio comprométense a facer un uso axeitado dos servizos electrónicos dispoñibles na plataforma da HSUE, segundo a previsións do DECRETO 89/2016, do 30 de xuño, polo que se regula a creación, o uso e o acceso á historia social única electrónica, e a empregar a información contida na HSUE para os fins recollidos no dito Decreto.

Así mesmo, as EELL comprométense a impulsar, promover e difundir entre os seus administrados e o seu persoal a utilización da plataforma da HSUE, mantendo unha actitude proactiva cara á utilización destes servizos a través de xornadas de formación, difusión e sensibilización do seu uso e aproveitamento.

Protección de datos

A cláusula décimo quinta do convenio, referida á **protección de datos** recolle que, para os efectos do establecido na **Lei Orgánica de Protección de Datos de Carácter Persoal (LOPD)**, as Entidades Locais de Galicia constitúense en encargados do tratamento dende o momento da formalización da súa adhesión, sendo o responsable do ficheiro a Secretaría Xeral Técnica da consellería de Política Social.

O desempeño deste rol implica:

Deber de información:

A Entidade Local debe informar aos cidadáns de que:

- Os datos persoais recabados no marco da intervención social realizada nos servizos sociais comunitarios e xestionados a través do sistema da HSUE se incorporarán ao ficheiro inscrito na AEPD "Historia Social Única Electrónica", do que a Secretaría Xeral Técnica da Consellería de Política Social é responsable do ficheiro.
- A finalidade do tratamento dos datos, consistente na xestión da HSUE, cos usos previstos no Decreto 89/2016, do 30 de xuño.
- En caso de **comunicación dos datos a terceiros**, estarase ao regulado no **artigo 12 do DECRETO 89/2016, do 30 de xuño**.*
- Os cidadáns poderán exercer os seus dereitos de acceso, rectificación, cancelación ou oposición, a través da propia entidade local. Respecto ao exercicio de dereitos, a entidade local actuará a súa vez segundo o especificado no artigo 11.4 - Datos de carácter persoal do Decreto 89/2016, do 30 de xuño, polo que se regula a creación, o uso e o acceso á HSUE.

*Artigo 12. Comunicación e tratamento de datos de carácter persoal

1. Os datos de carácter persoal contidos na HSUE poderán tratarse e cederse nos termos previstos nos artigos 6, 7, 8 e 11 da LOPD, e no **regulamento que a desenvolve**.
2. Artigo 16 da Lei 13/2008, do 5 de decembro, de Servizos Sociais Galicia.

Medidas de seguridade sobre os datos contidos na plataforma:

Dado que os equipos, a nivel usuario, empregados nos servizos sociais das EE.LL pertencen e se atopan baixo o control das mesmas, estas encargaranse de implantar unha política de seguridade que evite calquera redución na seguridade da información albergada ou transmitida mediante a súa utilización.

A Entidade Local, e o seu persoal, deben respectar as medidas de seguridade establecidas polo responsable do ficheiro, entre outras as medidas establecidas no Decreto 89/2016, do 30 de xuño e as seguintes a implantar na xestión de **datos de carácter persoal de nivel alto**, segundo se regula no Título VIII do Real Decreto 1720/2007, de 21 de decembro, (Regulamento da LOPDP).

- Función e obrigas do persoal
- Rexistro de incidencias.
- Control de acceso. É responsabilidade da entidade local a determinación das persoas con acceso á HSUE no eido dos servizos sociais comunitarios da súa competencia e a conservación desa información debidamente documentada segundo o previsto no Decreto 89/2016.
- Identificación e autenticación no que respecta á xestión dos usuarios propios da entidade local.
- Responsable de seguridade.
- Auditoría.
- Control de acceso físico.
- Telecomunicacións.

O desenvolvemento destas medidas de seguridade reflectirase no **Documento de Seguridade co que deberá contar cada Entidade Local**.

- Finalidade do uso: Os encargados do tratamento non poderán empregar ditos datos para outro fin distinto ao establecido no Decreto 89/2016, do 30 de xuño.
- Subcontratación do servizo: Para levar a cabo a subcontratación de calquera parte do servizo será necesario solicitar a autorización do responsable do ficheiro.

En caso de que os encargados do tratamento destinen os datos a outra finalidade, os comuniquen ou os utilicen incumprindo as estipulacións do convenio, serán considerados tamén responsables do tratamento, respondendo das infraccións en que tivesen

incurrido persoalmente.

Información adicional

Imprimir

anual de traballo, información e desenvolvemento en servizos sociais



© Xunta de Galicia. Información mantida e publicada na internet pola Xunta de Galicia
[Aviso legal](#) | [Caixa de suxestións](#) | [Mapa Web](#) | [Accesibilidade](#)

Ola MAT00051.

Rematar sesión